

ille sciet quid sibi velit B. Paul^o ad Roman. 8. cum ait: *Nec altitudinem nec profundum separare nos posse à charitate Dei.*
Quod si possibile foret istiusmodi divinam animam in inferno esse, nihilominus Regnum Dei suamque beatitudinem in se esset habitura; sicut è contra damnata anima aut Diabolus, etsi in Paradisum aut cœlum transferantur, semper tamen suum infernum, usque cruciatus in seipsis circumferunt.

CAPUT V.

QUOMODO HOMO IN DEUM
trahi possit. Quid sit paupertas spiri-
tualis. De gradibus humi-
litatis.

Lucæ 18. *Qui se humiliat, exaltabitur.*

*Humili-
tas est
metho-
dus Deū
cognos-
andi.*

Sunt homines non pauci, qui sese, cum Deo unire student multifariam per lectionem aliaq; devotionis exercitia: at si verum fateri licet, post salvificam fidem, quæ cor ab amore creaturarum repurgat, (prout supra docuimus, & deinceps uberior ostendetur) melior & facilior via ad unionem cum Deo non datur, quam per